



04055

燠水堂遺詩

壹卷

姓帆許元激題



光緒紀元凶陰  
安越堂平氏槩

朱秋水小傳

秋水名慶萼字西樓秋水其所居堂額也姓朱氏山東濟甯人初名鄂字青渚又有小田鶴屋諸號亦或自署曰秋樹菴主而人習呼之秋水云道光十九年以州學生員舉於鄉屢應禮部試不中第咸豐三年大挑一等試用江西知縣十二月廣西賊北犯同州團練大臣前工部左侍郎車順軌前浙江按察使孫毓淮奏留君幫辦在事者十三年敘功加六品銜軍事歲適於同治五年五月至江西年已六十矣君頗身偉幹面頰黑于思高睨大談形貌不類書生又不習外吏趨諾態而工詩善畫五七言法新城王文簡公山水尤得惲南田神韻然不苟作人未之知也會新昌知縣關員新令當以大挑先前班補而二班適無人八年正月君遂得新昌以去踰年而以事罷僦屋百花洲畔日坐小樓西山蒼翠入簾隙君哦詩潑墨若忘其爲宦官子亦未之知也君偶朋謁縱言明湖之勝翼日繪箋贈予水木明瑟樓臺倒影離華秋色俛瞰女牆題舊詩於上予讀而異之當是時會城需次州縣官百數十員多窮乏不能自立君又以事改換真授尤不可猝得而奉檄權釐者月得餐錢較厚足自給偶與某公言之曰聞中丞有意拂拭之試爲一謀可乎予驟聞大喜過望招君至語之君起立曰某公愛萼固也雖然萼貧不足惜所亟者新昌兵事耗費幾二千金方思稱貸完公帑而人猶不我拒者謂旦夕得一官節縮所入有以償之萼老矣若乞一噉飯處行是示人以無復牽復之望而逋負將無時釋矣是大負公也萼敢辭予聞其言洒然異之急攝衣謝而罷十年春君得腹疾暑月猶未瘳一日衛參中丞詢及君子予白前語曰不

圖朱令迺有是言今渠疾可若何行用之矣倉卒未及報君而君於是日病劇越二日死矣六月二十七日也年六十五烏虜君相造命之說鄴侯有爲言之非篤論也假而命果可造亦其人命實爲之君相與成功名耳若唐元宗之於劉朝霞宋韓魏公之於董傳賦命至窮雖以君相之力之大庸有翼乎同年李香府在坐失聲大慟香府蜀中名士詩才爲船山後一人時僉得高安而失之故哭君甚哀君娶顓孫宜人是歲正月卒子一心穀君著有扣枻集聽鸞草堂詩詞數卷彙塗乙不可讀臨殞命僮奴錄之乞敘予許爲版行敘則謝不敢作今銓次爲一卷刻之而君之墓草五宿矣悲夫前史官曰香府爲予言此邦令宰自昔多風雅著聞而才與命迥輒有物焉以敗之卒阨窮侘傺以殉嘉道以來吳城誣賊大雲罷東鄉逋調完素廢新喻証

漕安吳黜南豐乘塘鐵船躓秋水受大府知湔祓將用之迺自不及待以死烏虜豈非其命歟予爲之袞袞不置云

秋水堂遺詩自敘

余幼時充髀負氣所爲詩破藩抉籬多縱橫盪決之語馳騁自喜迨壯歲惑於歷下之說倡爲宮商大調言隨意盡輒復詡詡自矜而於風人溫柔敦厚之旨轉闕焉不講同鄉石坪戴丈見而惜之曰以子之才脫反而求之性情之地當必有過人者因授以陶韋王孟詩及新城王文簡公說詩宗旨余默識之回視舊作無可存者盡燬之謹守新城一家言爲之二十年未敢見異思遷茲檢稍有格律神韻者錄存一冊雖未能抗駕昔人而於所謂味外味筆外筆者似覺不肯乎新城之旨異日深入唐人三昧尙斷有進於此云

咸豐九年三月中浣任城朱慶萼識於都門寓齋

秋水堂遺詩

濟甯

朱慶萇



北郭顓孫嵐墅先生舊圃

雲暗前山日影沈昏昏雨氣壓平林  
荒庭盡日無人跡滿地槐花一寸深

谿亭秋色圖石坪先生屬題

寒煙衰柳晚冥冥望裏南山一片青  
小坐谿頭看秋色亂鴉啼過水西亭

莫春新霽和嵐墅外舅

連雨新開霽凌晨淑景和朝煙林氣重  
宿霧水邊多山色連青靄谿光上綠  
衰及時忻布種處處聽農歌

易水客次懷又邨兄

秋水堂遺詩

家貧爲客早匹馬向燕畿塞草穿沙長  
邊雲帶雨飛一春無暖日首夏尙寒衣  
信是家園好出門百事非

飛狐旅邸得郝子梁書

故人千里遠貽我數行書紙短情無盡  
心長思有餘鄉愁花落後客夢雁來初  
屈指還家日秋風滿敝廬

懷舍弟香署

今春送我任城東芳草連天綠茸茸  
挽斷征鞭留不住唱徹驪歌未忍去  
此日思君燕市南征塵匝地白漫漫  
塞月凝霜流大野飛雲挾雨出重關  
別我思君兩不禁祇爲浮名骨月分南望  
漁山親舍在白雲滿目淚霑巾

有寄

幾番握手淚洩瀾別後鶯花指再彈  
露最侵人風尙冷夜深莫

倚玉闌干

有贈

小板門前繞曲谿桃花纔放柳初齊芳鄰咫尺經過熟卿住橋東我水西

春日湖干散步

偶過長隄復短隄遙吟蹋徧草萋萋春風野岸花爭發細雨平湖鶯亂啼石徑看雲山向背柳陰喚渡水東西青旗沽酒前邨去買得鮮鱗手自攜

夢醒燈殘雨聲到枕適然成詩

濃雲如墨壓牆槐鏗影昏昏漏不催窗外涼風吹夢醒一庭落葉雨聲來

東郊莊居春日卽事

秋水堂遺詩

舍北舍南春水生魚鱗風皺縠紋平桃花紅近垂楊岸芳草晴煙看耦耕

聽松閣夜坐彈琴

誤謾松聲遠藹藹暮雲深明月涼如水積素望沈沈開我所坐堂抱我舊彈琴調絃重拂拭寄此山水心一彈靜塵慮再彈滌煩襟飄飄平沙雁渺渺湘水雲曲終寂無語西風響暮林時余從嵐

墅飾  
學琴

秋晚東郊閒步小憩玉露禪林與揆若上人茶話竟夕

清絕招提境蘆花瑟瑟秋栖鴉紛亂木野水颯寒流黃葉僧歸寺青山客倚樓石牀相寂坐茶鼎濕煙浮

西樓聽雨同鄭梅生作

簾外天如墨雲陰傍小樓孤鏗餘斷夢細雨溼春愁輾轉重衾

裏潺湲五夜頭聯牀同不寐寂歷數更籌

嚴小農河帥重脩濟上古南池建杜文貞公祠於池上落成徵詩

名藍金碧將軍畫霧閣雲廊想見之森木亂蟬聽不斷埜塘菡  
菖杜陵祠

濟南客懷寄內

歷徧山程又水程

時由津門德州至濟南

寒煙疏柳送蟬聲客邊風月誰

爲主別後情懷苦憶卿籬菊著花秋色早芭蕉滴雨夜寒生皓  
華山色明湖月安得與君取次行

明湖小滄浪亭偶成

新詩憶得吟秋柳自別平陵又二年今日滄浪亭上望西風吹  
冷峭湖煙

秋水堂遣詩

樓雲閣

春來淡雨濃晴外人在浮藍暖翠間小閣凌虛窗四面憑闌盡  
日看春山

都門暮春李春碧進上招同王蔭之給諫劉星白庶常出  
齊化門散步遇雨小憩楞香精舍

步屨鳳城東羣芳次第紅春陰鳩婦雨花信鼠姑風煙水空濛  
外樓臺罨畫中雲房容小憩歸去莫怱怱

明湖脩禊圖爲汪曉塘太守題

曠晴天氣野風涵十里波光接蔚藍畫舫笙歌春廿四湖樓裊  
展月初三青泥蘆苗添新漲翠岫雲消繞霽嵐萬點桃花千樹  
柳繡屏圍到水亭南

憶音跼莎隄畔行年年孤負好鶯聲晴波日暖湖船酒細柳春



深厯下城渚北風花逢上巳水西煙雨過清明自從祓禊聯高  
會雪鷺沙鷗總繫情

蘆荻三分柳二分晴山厯厯水泆泆情懷不盡樽前酒蹤蹟眞  
同海上雲秋社名高思把袂春風人遠憶滌裘識君惆悵十年  
晚仙侶同舟念舊羣

煙巒幾疊畫屏幽此日披圖憶勝游對酒青山雲外寺倚闌紅  
袖雨中樓依依煙月空尋夢草草罵花易感秋猶幸南池流澤  
遠幾番熾權聽諠謳時曉翁以武定  
司馬權刺吾州

### 谿南感事

依舊谿南第二家小桃紅處柳枝斜十三年事重惆悵祇有蛛  
絲網落花

### 穀城舟中卽景

### 秋水堂遺詩

四

穀城十里列煙鬟紅樹蒼藤掩映間一葉蜻蛉半湖水推篷盡  
日看秋山

### 孫梧江先生屬畫西谿煙雨并繫絕句

谿頭低壓溼雲濃釣罷歸來繫短篷水繞閒門煙繞屋一行疏  
柳雨濛濛

### 雨中登少陵臺

一望天如墨高臺接太空春陰流水外詩思雨聲中柳繞參差  
綠花飛厯亂紅南樓遺址在惆悵浣花翁

### 秋日莊居卽事

牆頭山一角籬畔路三叉細雨苔侵徑秋風豆著花瓦盆田舍  
酒茅屋野人家杖策柴門外前邨起暮鴉

幽居少塵事便擬千橋莊葉冷紅千樹苔閒綠半牆摘瓜堪佐

酒供菊待吟香獨得田園趣蕭然引興長

小築容高隱閒軒暑冷陶疏籬緣徑曲老樹出牆高釀酒藥親製編詩手自鈔清吟餘雅興隨意和離騷

先生有擬九辨

采藥歸來晚高吟款段遲寫經僧送酒索畫客留詩鑪煖香添後窗明月上時彈琴誰與和清味鶴相知

莫春睡起口占

薄寒輕暖暮春天支枕惺忪晝穩眠  
牕外涼生清夢覺風吹松子打琴絃

南池午霽

花鳴池塘細雨霏輕陰初霽  
嫵寒微春風三月蘼蕪岸芳草晴煙蛺蝶飛

東郊野步

秋水堂遺詩

五

芳草綠茸茸遙吟東復東  
鷗飛蘆港雨燕掠柳塘風  
野竹參差綠山桃爛漫紅  
行行歸去晚得句付詩筒

任城詠古效顏延年五君詠體

魏君伯

應

魏公擅博洽雅志託諷誦從游數千人  
遠方共推重談經白虎觀異同辨錯綜  
帝前時論難惟學乃致用

鄭仲虞

均

仲虞志高尚閉門勵幽獨異行動朝廷  
敕食尚書祿驅車東鄭莊鬱然森林木  
不見白衣人遙遙緬空谷

何劭公

休

劭公性樸訥深醇高世儒覃思研六經  
羽翼異典與謨憶昔侍帷幄忠盡屢陳敷  
經濟本文章千載若合符

魏陽元舒

陽元少孤貧名不動鄉里一朝策高足顯貴疇與比中外四十年堂堂無偏倚吁嗟伊何人司徒劇陽子

呂伯雍

枕

伯雍量淵雅早歲弄柔翰博文識字多往往爲黠竄坳託許氏學說文獨淹貫至今讀字林不覺望洋歎

大雨過烏龍潭

輕帆一片疾如鳥破浪衝風亦快哉兩岸人喧爭喚渡烏龍潭  
上雨飛來

濟南雜詩

幺紅萬點見秋荷漠漠垂楊淼淼波流徧名泉七十二水西橋  
下水聲多

秋水堂遺詩

六

鴟絃生澀響檀槽隔院何人譜六幺記否閣西頭上住禁城日

暮雨滿瀟

畫簾片月影昏黃白繡輕衫稱晚涼促坐微聞香細細素馨花

顛滿釵梁

琵琶一曲錦纏頭檀板金樽水上樓聽罷新歌歸去晚綠楊梢  
上月如鉤

己亥秋杪與李春碧同年小住平陵極文酒筵詠之樂今

復聚於都門回首前塵渺如隔世偶成長律用誌風懷

記否平陵載酒行秋深景物最關情疏鈴冷雨明湖客衰柳寒  
煙歷下城小字烏闌晨試筆雙鬢翠袖夜彈箏而今都已成陳  
蹟槎觸愁懷未易平

長清道中

落日空山曲蒼然夜色凝微茫卽店樹明滅戍樓鐙流水谿干  
轉銜山月半稜衝寒驢背上暮氣更凌兢

松陰煮茗圖爲車少司空題

釵頭玉茗劇清妍御貢分來穀雨前紗帽隱囊松徑裏細傾春  
碧淪清泉

雨夕憶西園竹亭寄揆若上人

西谿煙雨盡濛濛隔水遙聞戒夜鐘憶坐孤亭聽梵放茶煙佛  
火竹廊東

王筠侶畫野塘幽興筆致冷雋脩然畦町之外車意園少  
司空出紈扇屬摹並索題句

寫生妙筆推筠老畫苑當時第一流聊爲司空摹粉本碧叢紅  
穗野塘秋

秋水堂遺詩

七

余旣爲司空仿筠侶先生野塘幽興小景司空以爲得髣  
翁真神理非僅形貌之合因臨董華亭小楷書孔東塘  
桃花扇曲見贈賦謝廿八字

寫出桃花扇底春冰紈細字好手神香光化去風流遠三百年  
來此替人

薦青園莫春偶成

小園滿地綠苔生裊裊游絲春晝晴茶臼藥鑪相料理楊花如  
雪撲簾旌

無題

有分相逢未嫁時秋風團扇費相思空憐薄命詈桃葉誰解鍾  
情眷柳枝幾陣輕寒添鵲腦五更殘雨冷燕支分明絕代銷魂  
種寵柳嬌花好護持

香閣曾留月且評康成文婢舊知名阿嬌祇合藏金屋仙子原  
宜住玉京一桁輕簾留無燕半窗新夢嬌啼鶯相親願化花開  
蛙好聽虛廊畫屨聲

繡幕紗窗畫閣幽兒家生小未知愁芙蓉花外還窺鏡楊柳風  
多懶上樓煙月濃濃方病酒鶯花草草易逢秋妝臺鳳蠟無窮  
恨十二湘簾盡下鉤

細柳雛鶯寫畫圖新晴氣味癭寒初翠屏玉輦人如醉斗帳香  
濃病乍蘇夜月開樽新白墮春風煮藥小紅鑪懷人中酒情無  
限一種閒愁付阿奴

余素不工香奩詩偶讀阮亭司寇無題八首愛其芬芳排  
惻一往情深其驚才絕艷不減義山而清麗之筆轉覺  
突過前人吟諷再四忍俊不禁偶成四首覺意猶未盡

秋水堂遺詩

八

復得一律蓋見獵心喜好事者所不能免東施之顰未

免唐突西子耳

沈沈鐘鼓漏初長小語樽前蘭麝香翠被濃薰春有蹟華鐙圍  
坐夜無霜烏絲試筆銀鈎細翠袖彈箏玉指涼惆悵青春踰十  
載風情誰復識冬郎

奉安道中

賣瓜棚下午風清古驛荒郵第幾程記得當年來往地青山紅  
樹似前生

玉露菴雨中看梨花

隔籬微雨似輕煙新綠茸茸兩岸邊閒倚青樓看春色梨花如  
雪寺門前

暖翠樓聽王蓮君琵琶

粉帳朱闌夕照邊湖樓春盡水如煙琵琶小曲蕩桃酒費卻又  
頭賣畫錢

一曲蕉窗細雨零鴉絃撥處響泠泠坐中誰爲青衫涇頭白周

郎掩淚聽

謂周子青

吳穉蘭校書落花獨立圖

落花飛絮颺輕颺中酒傷春睡起遲手把柳絲無一語滿身香  
雪立移時

玉立娟娟對落花東風惆悵惜年華憑誰繪出驚鴻影幾度銷  
魂落畫叉

圖爲金鄉張柳谿筆

藥鑪經卷綺牕前支枕惺忪瘦可憐爲怯春寒門盡掩一簾微  
雨似輕煙

秋柳

秋水堂遺詩

九

丙申初秋外舅嵐墅師招同潘墨莊師張雲屏丈小集  
戴石坪先生椒花邨舍和漁洋山人明湖秋柳詩

漠漠寒煙瑟瑟波一分憔悴奈愁何西風滿地詩懷澹秋雨連  
宵酒夢多野水依然流板渚春衣無復冒銅駝情懷懊惱思千  
里悵望臨歧一放詞

劇憐煙水望模糊冶葉倡條半有無被酒曾經桃葉渡分題猶  
記大明湖翠樓春盡餘巢燕白下秋深有夜烏一種銷魂驚絕  
代可憐香落舊根株

長憶兒家青水谿綠雲暮戀覆平隄曉風殘月空攜酒瘦草香  
香已化泥羌笛一聲愁麗最清砧幾陣露悽迷朱闌橋畔前塵  
遠不見流鶯恰恰啼

無復清淮載酒船西風吹冷六朝煙人來野渡荒亭外秋老叢

祠水驛前裊裊殘絲縈畫鷁瀟瀟暮雨咽寒蟬屯田舊曲分明  
在棖觸愁懷又一年

停琴待月圖爲嵐壁師題

蒼蒼石上松蕭蕭水邊竹雲影澹秋空西風響巖谷撫絃坐危  
石衣裳眼寒綠美人招不來徘徊景芳躅仰看秋月明照見我  
心曲

春閨

春閨剛逢穀雨前東風社火焙茶天天桃紅破竹林外細雨煙  
郊看種田

雨中晚泊沙洲寺

星火沿隄錯落明秋霖霖霖暮潮生孤篷晚泊沙洲尾一夜瀟  
瀟聽雨聲

秋水堂遺詩

十

題鄭松泉比部畫濟上東郭玉露庵一帶風景

寒煙衰柳寺門西夾岸楓林繞曲谿一櫂孤舟人去遠涼天寥  
闊雁聲低

感事四律

蒹葭霜冷露華清夢裏哀鴻聽轉明客舍有花聊對酒故園無  
地可歸耕艱難謀食悲身世貧賤依人累交生見說妖氛猶未  
掃中原豺虎尙縱橫

宦情客思共悽悽南望江天烽火迷衰柳半隄流水外荒城一  
片夕陽西幾家餘燼拋鱗瓦滿目殘骸蹴馬蹄鎮日言歸歸未  
得杜鵑何事耳邊啼

仰屋長吁斫地歌霜鋒如練劍初磨春風草草新婚別夜雨唵  
嗽故鬼多賸有癡情懷弟妹空餘老淚哭干戈陳陶十郡良家

子白骨青燐奈爾何  
垂頭亂髮鬢髻瘦骨支離尚有棧布被寒生三尺鐵疏櫺冷  
照一輪冰聞雞壯志空云爾射虎雄心得未曾一卷金經銷劫  
運夜深合十佛前鐙

海關晚泊值雨

陰晴渾不定雲氣忽西東  
槐葉關門雨蘆花水驛風  
山容失淺碧日影漏殘紅  
歸臥篷窗裡蒼茫烟水中

靜海復雨

暝色蒼茫合長河欲暮天連邨  
煙樹密十里浪花圓野渡看雲  
立孤蓬聽雨眠明朝挂帆去  
曉霧正迷漫

舟次臨清風雨大作

驚風旋大野煙水望中迷  
蓬底雨斜入渡頭雲亂飛  
山嵐三面

秋水堂遺詩

十一

合天影四圍低開霽凌晨好船窗透旭微

長清道中

亂山青不斷迤邐向齊州  
蘆葉荒陂雨槐花野店秋  
斷橋流水岸僧舍夕陽樓  
南望家鄉遠干戈況未休

桐葉西廊雨窗懷閩晴川

西廊桐葉冷兀坐成幽寂  
安得素心人來共風雨夕

我命何不偶

我命何不偶憂患勞其生  
讀書三十年所志無一成  
野無百畝田何以事躬耕  
城無千金產何以習經營  
老母髮垂絲余生四歲先慈

見昔賴繼慈教養至今

操作力不勝憶昔全盛日  
飲饌窮罄精粗糲難下

咽對之雙淚零恐兒見不快  
百端飾其情道我老年人所甘  
惟藜藿勸兒加餐飯爲兒手煎烹  
不哭淚已注欲哭仍吞聲入室



見我妻淚背雙熒熒勉強施粉黛顧影尙娉婷膝前兩小女相  
伴坐殘更大者初學讀朗朗殊可聽小者不解事向我語嚶嚶  
道是衣裳薄白緒尙瓏玲我聞心骨悲不禁涕縱橫屋東有阿  
弟夜讀對短檠恐傷我懷抱攜酒來共傾心煩易爲醉數杯已  
曹騰是時北風發颯颯響窗櫺一燈昏欲她耿耿東方明

過玉露禪林遲揆若禪人不至題壁

石鼎茶煙裊竹廊閒階開徧紫丁香午牕小憩維摩榻滿院蜂  
聲春晝長

春陰

滿庭香霧晝霏霏料峭新寒乍掩扉紅杏枝頭春正好一簾微  
雨燕雙飛

讀周翼庭刺史惆悵詞輒成絕句十二首

秋水堂遺詩

五

鶯花五載揚州夢往事回頭已斷腸那更吟公斷腸句淒風冷

雨夜昏黃

時余喪那姬五年矣姬淮人寓虹橋

畫屏深掩小簾櫳簾外雲陰雨氣濃不柰夜闌風料峭流蘇寒  
透繡芙蓉

羅衾展轉數秋鉅燭燼香殘近四更最是斷腸聽不得芭蕉葉  
上雨聲聲

天工例促紅顏命萬古千秋恨最長又見名花憔悴損果然天

意妒馨香

同年姚良菴觀察爲余填揚州夢北曲四齣有狼天  
工例促紅顏命句

曇華一現女郎身墜夢餘歡何處尋一夜酸風半夜雨斷紅零  
落不成春

梅煞花容領畧疏本詞傾城那更覓仙姝遠山眉黛知多少比似

文君總不如

烽火驚心滿故關蘭陵一曲念家山孺人蘭山人可憐抱得同仇志

不見夫君破陳還

花情嬌旖煙絲軟刺史春懷舊句莫少好句傳來最耐聽今日

酸吟低唱處風懷檐鐸雨淋鈴莊孝廉為余誦之

補屋牽蘿世莫知可憐單袖單寒女補屋牽空庭脩竹綠參差

而今猶對檀欒影回憶天寒日暮時羅世莫知刺史感懷句也

繡奩初掩舊妝臺臉粉零香事事哀昨夜城東蕭寺路西風吹

送斷魂來孺人唐玉露菴

蕭艾何緣植畫堂蘭蕙瘦總堪傷空餘黃土白楊恨留與詩

人弔夕陽

過五龍橋有感并敘

辛酉暮春入城過五龍橋舊練軍處也癸丑余奉

秋水堂遺詩

十三

命襄理軍務與車意園少空孫梧江廉訪州刺史陳東

橋共事少空積勞成疾以身殉

國廉訪獨力辦賊今半體枯刺史勦賊金鄉身膏原野

余更遭亂無家回首前塵重游故地不知涕淚之奚從

也成三絕句寄梧江及車劭甫世講陳小韓門人劭甫

司空長公小韓刺史弟也

蕭寺蒼涼生野煙龍橋往事劇堪憐城隅彌望皆春水梵唱漁

歌伴醉眠改為敬捐局鉅公某率吏胥輩董其事日惟酣醉

谿南一帶繞煙絲細柳屯軍憶往時太息司空空宿草不堪墮

淚讀殘碑練軍之眼廉訪首唱四律諸同人和作司空詩特佳

紅旗碎裂裏創痕血戰山陽誰更論金鄉古惟有龍橋橋畔水

咽嗚常似哭忠魂刺史戰死距今數歲耳竟無復談及者

都門寓齋雨夜不眠同閤晴川作

時余自蘄州入都

深院黃昏候蒼茫夜色幽寒花燕市雨衰草薊門秋滅燭同談  
鬼擁衾共數愁宵深猶輾轉寂歷計更籌

秋聲同晴川賦

攬林風更雨颯颯共重城况值秋九月何堪夜四更淒清搗斷  
雁寂歷雜寒蛩喚起聯牀客斷腸聽此聲

辛酉仲冬偶宿抱經家塾翼清姪以詩文請正喜其能讀  
父書走筆成詩

言乃心之聲文乃言之精精心含妙理言出卽文成所以賅至  
道詩書未可輕余本非好學衣食兼紛爭徒於書中趣寸心聊  
自明吾兒久廢學胼胝事躬耕讀書望吾姪勵志弗兼營不特  
繼書香還以博世榮爾父齋志歿所望惟爾清勉旃復勉旃慎

秋水堂遺詩

古

勿嗤老生

孫榕江紈扇屬畫西谿煙雨再題

一天煙水畫濛濛折葦枯荷兩岸風閒坐蜻蛉泊沙觜西谿看  
雨半推篷

西後西郭閒步懷晴川

西郊歇微雨步履相幽尋落日眺平楚西風生暮林所思傷遠

道晴川時孤抱託哀吟安得共嵇阮清言愜素心

山中秋夕大雨

萬木無聲日影沈濃陰低合氣蕭森丹崖翠嶂昏如墨三十六  
峯秋雨聲

銅城驛阻雨

秋陰低合夜蕭寥古戍寒更斷麗譙瘦馬啣芻聽不寐孤燈照

壁雨瀟瀟

穀城晚泊晨起大雪

楓葉蘆塘望欲迷孤舟泊處夜清淒曉來頓覺寒侵骨煙壓竹  
篷雪漲谿

做箇中檢得亡姬揚州憶夢圖愴然有作

憶卿五載揚州住勝地鶯花足逗留今日妝臺餘畫本淡煙輕  
粉不勝愁

再至圃香閣感成

紅闌東畔碧窗西蕉葉纔抽柳乍齊風景不殊人不見涼雲含  
雨書淒淒

暮春卽景

布穀聲中雨又風桃花竹外幾枝紅秧青雨足晴波輭舍北舍

秋水堂遺詩

五

南春水同

春郊散步

芳草綠參差迢遞任所之遠山含雨色細柳颭風枝地暖花開  
早春晴日落遲歸來餘興在寂坐更吟詩

撥上人竹亭夜話

清言不覺暑皓月出林東螢火飛花徑流泉繞竹叢林煙生夜  
雨荷氣得薰風久坐寂無語真如息息通

雨夜夢翼清姪來自故鄉且云小園春色已爛漫矣得句

云云醒而足成之

故園探花信驚心廿四風夢中春愁流水外詩思雨聲中細柳

參差綠羣芳次第紅韶光看已暮莫遣去匆匆

春陰

簾外濃陰雲似墨東風未見遣春來小樓一夜廉纖雨杏子桃花次第開

張秋鎮晚泊值雨

向夕關門雨孤蓬夜寂寥繁音千點碎殘夢一鎗搖絮語聞鄰舫寒更斷麗譙濕雲昏似墨荻港暮生潮

枕湖小榭訪王蓮君女史

銷魂一曲雪兒歌屈指年華感逝波再到湖樓尋墮夢青衫白髮影婆娑

聞道四首傷沈郡近事作

軍書趨戰如星火夜半倉黃過玉橋橋在郡城魯王宮玉河橋也聞道牽衣橋上別更無消息到今朝

旗靡不復旆飛揚折戟惟餘半段槍聞道裹屍無馬革猶傳嚴

秋水堂遺詩

去

令索軍裝

八公初息風鶴警又見殘兵閩外譁聞道將軍殊雅量輕裝小隊看桃花

瘡痕誰繪流民狀滿目哀鴻四野多聞道東山賢令尹行廚花裏聽笙歌

小除夕沈郡寓齋懷孫松坪閣學

聲聲臘鼓送年華客思鄉愁亂似麻捫頰張儀猶有舌依人王粲已無家長安舊夢聽春雨歷下閒愁弔落花天上鳳鸞還憶否當年逐隊有飛鴉

水西寺晚泊

亂蟬聲不斷十里綠楊風遠水蒼茫白殘陽暗澹紅雨聲時錯落雲影忽西東小坐篷牕裏煙波浩渺中

玉露禪林對雨同月波僧作

薄靄輕雲坐嬾涼春陰寂寂捨僧房西園盡日廉纖雨滿地煙  
苗長葦香

春日過諸天寺訪心蘭上人

花氣襲人衣袂香微吟又手繞迴廊松陰滿地日亭午小院某  
聲春晝長

水邨煙柳圖爲程篔簹刺史畫

水北花南二里餘鷗鄉蟹舍好家居一篙春漲兩行柳處處吹  
波上紫魚

燕掠晴波乍頽頽蘆芽澹紫柳輕黃一竿斜閣蜻蛉尾釣得銀  
刀二寸長

銀匙翻雪新秔熟白小時解入饌香不獨吳孃誇妙手水邨風

秋水堂遺詩

七

味似江鄉

暮春過暖翠樓禪蘭索詩

飛花兼落絮掠亂舞晴煙中酒客無賴傷春人正眠鑪薰羅幙  
裏枕障繡帷前睡起多情思紅潮小頰圓

竹亭夜坐爲揆若上人作

忽聽鍾聲出上方模糊竹影月昏黃閒亭坐久寂無語一樹娑  
羅發妙香

秋水堂雨夜

落木蕭寥哀蟬淒咽黃昏將近夕雨復縣獨臥空堂感

成絕句五七言各一首

深院黃昏後空堂雨又成哀幙將落葉併作斷腸聲

枕障鑪薰隔繡帷斷腸情緒雨如絲空堂獨臥黃昏後簾幕無

人宰地垂

西樓春晚

小樓客去後明月尚依依開幔風徐入捲簾花亂飛鑪煙餘鼻  
裊香霧散霏霏獨臥不成寐宵深冷透衣

濟南客次寄懷周翼庭刺史時以費令權濟州

燕趙纒經汗漫游青山策馬又齊州人情到眼如雲薄歲序驚  
心似水流冷月疏鐙孤館夢雨苦煙草慙城秋江天南望三千  
里擾擾干戈况未休時余將赴豫章

憶昔旗亭畫壁時秋風旅館勸離思未堪顧誤勞公瑾真有憐  
才說項斯乙卯秋抄余偕王中筋少尹由濟南旋里道經高吳  
橋偶題臨江仙於店壁刺史一見傾倒達人輒誦並  
將原詞去日已多來已少別君何早會何遲余今夏始識君於  
孫松坪閣學齋中  
他年開府來南國手板還應笑倒持

秋水堂遺詒

式

稷門旅次喜晤李婿石生

憶別家山日年華似水流鴻泥燕市雨時來自京師木葉稷門秋榮  
落皆前定干戈况未休勸君歸去好行矣莫淹留

投筆將何往班生志未償才堪揚祖烈石生為文襄公裔孫志欲掃天狼  
囊底雖脫穎腰間劍有鉞西江舒望眼待爾整歸裝石生以縣令分發江

歷下喜晤孫莖坪澱生兩廣文

似舅何無忌依人王仲宣辭家有何事為客動經年薄宦分三  
地莖坪膠西澱生齊東余豫章前程各一天相逢須痛飲後會悵茫然

感懷兼呈匡鶴泉少宰時主濼源書院

湖海飄流秋復春垂楊難繫轉蓬身英雄長劍甘屠狗老妓琵琶  
錯嫁人萬里辭家鴻爪雪廿年挾策馬蹄塵情懷懊惱憑誰

訴茵溷何從問舊因

哀絲豪竹響零丁別調新翻變徵聲壯不如人心尚熱貧原非  
病眼猶明艱難萬劫悲身事歌哭中年累死生知我最深還最  
早感恩不覺涕縱橫

書劍飄零廿四春青衫牢落復誰親長安乞米芒屨雪幕府備  
書席帽塵一事無成將老大百年強半尙因循盈頭白髮羞明  
鏡猶是東西南北人

少日才華偶噉名獨迴青眼怒狂生珠藏萬斛貧猶昔鐵鑄九  
州錯已成悟後襟懷殊灑脫窮途恩怨敢分明蠶絲未斷哀重  
寫豈是逢人訴不平

暮春偕鄭梅生孝廉浣筆泉偶成

棋奉高吟地猶留浣筆泉新花低映水高柳半含煙縹緲層樓

秋水堂遺詩

九

蠹澄澹一鏡圓至今餘墨瀋沾漑仰青蓮

有客披宮錦言從蜀道歸傾襟惟賀監低首只元暉對酒月相  
照揮毫花亂飛墨華流不盡咳唾尙珠璣

寄外孫阿羣

阿羣七歲喜讀余絕句畧皆上口

眉宇英英時露爽天生骨相總非凡定知神采飛揚處只在青  
臚顧盼閒

外孫衣盍傳黃絹愛誦老夫七字詩安得飛來身左右膝頭坐  
我拚吟髭

藕絲菜二律清姪索賦

欲覓清涼品西風滿水邨泊來青雀舫割斷碧蓮根帶露縈香  
縷牽風染翠痕行行歸去晚弱柳繞開門

擷得湖鄉味村廚入饌鮮花搖紅撲靨絲繞碧纏緜霧縠雲羅



地煙綃雨緒天醉餘歌一曲無復羨華筵

舟中聞鷓鴣

晨雨廉纖送曉寒鉤輈啼處水雲寬  
煙篷小泊青蘆岸春漲瀟瀟水滿灘

湖陵雨泊

天邊雲水昏如墨城上寒更斷  
麗譙一段春愁無著處銀鈺聽  
雨夜瀟瀟

登社湖舟中

鯢魚吹雪浪花圓淼淼晴波接碧天  
草長鶯飛三月暮巖湖春  
盡水如煙

淮上清明

春泥處處荻芽生春岸楊花撲面迎  
鱗魚登盤櫻薦酒江邨風  
秋水堂遺詩

物過清明

感懷

爲客何時了江湖又暮春  
茫茫雲水思草草宦游人屈指家山  
遠從頭幻夢新那堪明鏡裡雙鬢漸如銀

江行

天桃紅近竹林間竹外青葱見  
遠山睡起推篷看春色落花如  
雨鳥懸巒

瓜州夜雨

一種離懷不自持江天渺渺水雲思  
三更酒渴渾無賴細雨銀  
鏡獨坐時

雨後

飛絮游絲春態閒沙洲小鳥弄關關  
午晴睡起推篷坐看徧春

江雨後山

舟中讀少陵江上詩成四十字

江上多雲雨，凌晨喜放晴。色添千頃活，風趁一帆輕。故里悲戎馬，時捻匪窮途仗友生。同年匡鶴泉少宰蕭質齋太守盧小亭觀察時艱思報國，何處請長纓。

燕湖舟中

落日空城曲，驚烏兩岸啼。波平春水濶，天遠野雲低。故國音書斷，連江鼓角齊。無能空搔首，望眼靖鯨鯢。

燕湖曉霽榜人餉鰱魚甚美

竹外桃花紅欲然，江干垂柳碧含煙。孤篷一夜瀟瀟雨，釣得槎頭縮項鰱。

雨泊采石磯日夕喜晴

秋水堂遺詩

三

孤篷泊近水，雲居雨緒煙。綃夕照餘小市，江橋人未散。亂攤葦葉賣鰱魚。

一抹紅霞夕照開，浴鳧飛燕共徘徊。空山野寺無人蹟，時有江雲自往來。

早發西梁山

片帆高挂曉風輕，江上朝霞潑眼明。回首西梁磯畔路，滿山晴日畫眉聲。

露筋祠

東風寒食奈郵路，拂面楊花繫纜時。兩岸鴉聲啼不歇，碧雲春樹女郎祠。

舟過鞋山同內子作

大姑脩眉翠黛彎，小姑倭髻好煙鬟。一片碧雲春窈窕，凌波影

裏過鞞山

晚泊章門聞笛

嫋嫋西風起江流欲變聲寒煙徐孺墓疏雨灌嬰城戍鼓參差起漁鎗錯落明水窗清不寐玉笛喚悲生

舟中晨起聞畫眉

江上朝涼睡起遲鴨頭新漲雨如絲宿煙收盡春波綠處處青山叫畫眉

公餘漫興寄雲帆刺史謝芥茶

紫藤花下起涼颺吏散槐廳晝漏遲偷得公餘閒覓句滿身花影立移時

雲翁茶癖并堪傳芥片分來穀雨前半曳朝衫松徑裏親攜小壺瀹清泉

秋水堂遺詩

三

一餅一鉢一拂子挂一張琴一蒲圃本是寒山老居士如何強喚作麤官

君本煙波舊釣徒從來野性愛江湖十年葢破黃紬被領畧熟官滋味無

夜涼似水餅中玉簪盛開

湘簾晝燭冷秋光耿耿星河月轉廊窗外涼生清夢覺銀瓶新水玉簪香

公餘偶成

閒庭種竹已成叢藥圃花畦地數弓消受熱場清意味半池秋水一簾風

瀟江暮春

梨雲婀娜柳煙輕三月韶光畫不成風軟波平春晝暖鯨魚吹

水一江晴

平山堂感舊

平山堂下又東風人海花天轉眼空欲向虹橋尋墜夢蕪城煙柳雨濛濛

宿新昌西峰水雲寺

空山寂寂亂蛩鳴獨倚層樓夜氣清滿地月明一聲鶴松花如雨撲簾旌

衙齋偶成

署冷堪充隱蕭齋慰寂寥新篁排徑密老樹出房高鉏土培花種疏泉灌藥苗築茅新縛屋聊以息塵勞

再宿西峯水雲寺

清絕西峯寺石磴望迤邐飛泉百道鳴一寺千松裏老僧開竹

秋水堂遺詩

三

房殷勤延行李埽葉煮秋葵燒松烹石髓仰看秋月明寒光清於洗夜涼不成眠石牀猶徙倚隔谿松鼠來偷食山茶子

晚發青山寺

曉霧沈青山頓失青山寺微聞鐘磬音泠泠出空翠

臨江道中

迤邐瀟江道層山翠萬重溼雲鴉背重秋色馬頭濃漁榜橋邊集樵歌谷口逢蒼茫天色暮嫋嫋又聞鐘

憇雲庵

入林蒼苔滑地潤常疑雨寺門清且寂但聞風鈴語院靜不逢人松陰日卓午

舟行卽景

波軟雲柔日正遲天桃稚柳各含姿白蘋細魚苗長處煙

蓬下釣絲

詔庭吏散偶成

藤花風送響泠泠  
吏散莎廳戶半扃  
案牘了餘無一事  
閒隨老鶴上空亭

瀟江晚泊聞鐘

遠山澹欲無  
遙天樹若薺  
江昏雨氣來  
孤篷泊沙尾  
娟娟聞鐘聲  
茫茫隔煙水

宮亭湖

宮亭西去似瀟湘  
山翠湖雲驛路長  
楓葉半江蘆絮老  
白蘋風起賣鱖鱧

江行晚泊

落日下空山  
蒼然野色晦  
江空欲吞天  
混茫含一氣  
遙見片帆

秋水堂遺詩

五

來出沒煙水外

晚泊宮亭湖

挂席宮亭路  
滄波入窅冥  
湖雲籠樹黑  
山色壓蓬青  
亮節懷彭澤  
游蹤寄洞庭

時將有岳州之行  
孤舟何處泊  
漁火兩三星

荷參歸來青閣看西山

晨趨幕府午初還  
邸舍蕭條晝掩關  
紗帽籠頭慵不整  
推窗隱几看西山

楓屋雪夜

楓圍老屋一  
鏗青佛火茶煙戶  
盡局收攝吟魂  
歸梵放峭風吹雪  
打窗櫺

新昌在萬山中  
春來無日不雨  
回憶家居口占

小麥青青大麥黃  
榴花初破麥花香  
谿南一夜廉纖雨  
網得鱸

魚尺半長  
五更小雨怯新寒晨起攤書強自寬頗有荆人相料理親炊餅  
餌勸加餐

偶闢小圃種菜成畦引泉灌之晨昏盤飧取給於此頗有  
田園之趣公餘小憩其間如深山老衲始知余作吏之  
樂不爲苦也

西風小圃正新霜白萸黃馱入饌香絕似吳興賢太守齋廚久  
斷大官羊

新炊餅餌乍登盤鹽豉山薑禦曉寒不是熱官偏耐冷從來粗  
糲腐儒餐

舟中聞鷓鴣

東風野岸草萋萋新柳含煙翠欲迷挂席宮亭湖上路水雲淼  
淼鷓鴣啼

秋水堂遺詩

五

登西梁磯絕頂

淼淼滄波起混混接太清陰崖藏雨氣虛閣納江聲帆影參差  
沒炊煙次第生相看天一色千里暮雲平

南城暮春西郭

春漲野橋平春雲處處生一鳩啼雨急雙燕掠波輕落絮迷邨  
徑飛花滿縣城分秧欣應候新綠水縱橫

自題僧裝小影

一笠一拂子飄然岱下來婆心原佛果俗吏豈仙才因向三生  
悟身經百鍊回蒼生期廈庇愧負豫章材  
孽海茫茫裏胡爲著此人情惟甘冰檠氣不識金銀願證長生  
果同歸不壞身西江一掬水灑作萬家春

口號

袞袞諸公學步難強將詞客喚粗官分明引得丹山鳳卻與羣  
鴉一例看

瀟江晚泊值雨

日暮瀟江望渺瀰孤篷泊處雨如絲疏鐘遙送江天外酒醒鐙  
殘夜半時

南陂新霽

嫵晴天氣野煙銷細柳珍玳板橋一夜潺湲春雨足南陂新  
水長魚苗

十丈鮫歸見海暎朝涼晏起一開樽庖人斫鱸明於雪昨夜南  
陂水到門

憶明湖

秋水堂遺詩

五

暖翠浮嵐罨畫香濯纓湖上稻風涼三年冷落家山夢春到南  
州思故鄉

憶昔蹋莎隄畔行晴煙芳草馬蹄輕煙波十里春如海一半垂  
楊一半鶯

梨花澹白柳輕黃風片雨絲作意涼玉笛一聲剛入破畫船已  
泊小滄浪

朱闌粉幔柳低迷一曲紅樓十級梯記得春宵寒貰酒雙鬢笑  
勸玉東西

湖上春禽不住聲晴聞啼鳩雨聞鶯年來賸有湖山夢酒冷香  
殘五載情

餘歡墜夢兩模糊霧閣雲廊儼畫圖試向百花洲上望東湖何  
似大明湖

梨雲窈窕柳煙輕  
風月平陵舊擅名  
樓上笙詞樓下酒  
帶人春夢不分明

新塗道中

流水中間曲曲行  
筇輿穩坐覺身輕  
丹楓兩岸谿千轉  
一路聽泉到縣城

移家東湖偶成

僦屋東湖又向東  
移家小住水雲中  
微風隄柳搖輕碧  
細雨檐花落淺紅  
枕上看山青一角  
牆陰種竹翠千叢  
誰知聽鼓應官客  
依舊舊江湖一釣翁

初夏卽景

雨餘羅綺透新涼  
風送池荷冉冉香  
正好垂簾無一事  
山僧索畫促人忙

秋水堂遺詩

毛

清晨洗硯剝蓮蓬  
滿地殘香墜粉紅  
燕子不來窗未掩  
落花飛入墨池中

寶應晚泊偶成

淼淼湖天日落遲  
紅霞一抹晒鷗鷗  
楊花暮雪秦郵路  
拂面東風被酒時

廣陵舟中憶亡姬邢小曼作

憶卿五載揚州住  
風景紅橋畫不如  
今日蕪城尋斷夢  
淒雲冷雨繫船初

當年枉自說情癡  
綠葉成陰悔已遲  
最是斷腸忘不得  
浣香樓

上小曼  
水閣晚春時

鑾江晚泊

樓臺近傍水雲居  
煙景濃春畫不如  
落日迎鑾江上路  
昏鴉萬



點泊船初

樵李長蘅煙雨畫卷

一江煙雨暮蒼蒼  
楓葉蘆花秋水長  
怪底畫中詩意好  
丹青初學李流芳

過滁州謁座主許星來先生墓作

書生報國志能酬  
埋骨青山恨未休  
兩樹冬青半江水  
西風吹泪過滁州

師籍六安追賊至滁力竭戰死土人墓之

過黃天蕩

驚濤拍岸浪排空  
一葉孤乘萬里風  
扣柁中流頻喚酒  
銅絃鐵板唱江東

舟中憶西梁磯上看江景極佳補成四十字

西梁磯上望春水  
拍天流帆影浮江  
浦山雲入寺樓  
松門蒼徑

秋水堂遺詩

庚

滑竹院碧窗幽到此  
銷塵慮何煩覓十洲

舟中偶憶林天素青山眉黛圖卽題絕句

落花飛絮午窗閒  
藥椀茶鐙枕障間  
睡起菱花頻照影  
擬將眉黛寫春山

晚泊馬當

渺渺江波春水長  
連朝風色暗潯陽  
煙纒濃澹峯重疊  
一路看山到馬當

憶家

銅盤膏冷酒重温  
回首家山繫夢魂  
疏雨孤篷人獨卧  
客中難遣是黃昏

野步小憩古寺

入林苔徑滑池遲  
寺門通院靜聞疏  
雨樓高納遠風  
蘆根紛白

小樹杪墜青蟲幽興歸來晚行夕照中

野興

稻花風起處香送到柴門流水碧無際夕陽紅半邨炊煙濃竹  
鷗石碓響雲根杖策閒臨眺蒼茫野色昏

曉晴發彭蠡

聽罷涼宵雨凌晨解纜時煙銷遙浦闊風緊片帆馳澤國秋生  
早山城日上遲檣竿林立處指點近彭蠡

瀟江清明

春陰天外昏如墨布穀啼來四五聲紅杏半開邨酒熟瀟江風  
物過清明

題籬豆秋風卷子

幾區菜圃間瓜疇冷翠疏紅一徑幽寒螿曬晴斜日暖野人籬

秋水堂遺詩

无

落豆花秋

遣懷效劍南體

世路煙雲亦大都餘歡墜夢兩模糊千金買笑偶然耳五斗折  
腰胡爲乎午枕惺忪濃睡後晨窗妍煖嬾晴初更餘底事添幽  
興小鳥枝頭自在呼

丙寅仲冬奉檄勘災作

三時事耕作小民亦已勤歲晚農務歇草野何忻忻痛自淫雨  
作連縣動經旬屋廬隨漂泊禾稼半沈淪哀鴻悲四野嗷嗷不  
堪聞側聞閭閻胄日舉費萬緡飲食羅羞錯裘馬競紛紜司民  
固良牧懸鞭稱慈仁賑濟徒豪舉撫循託虛文吏胥緣中飽虎  
視更鯨吞哀哉我窮黎顆粒未沾脣雞皮面鰲黑殘喘一息存  
誰將顛連意痛哭爲上陳我生賤且貧一裘不庇身安得共衣

被萬里無寒人

盤江雨泊聞鐘有感

澤國陰多雨氣濃一天煙水畫濛濛十年腸斷揚州夢又聽盤江夜半鐘

一日一見君爲同年黃玉波太守作

一日一見君相對無一詞三日不見君便如長別離相見竟何樂不見乃如饑君才挺莢秀矯矯鸞鳳姿顧我醜態恐爲君所嗤誰知君好我不復我瑕疵我時有微吟君必輟轉思君或有所作示我來恐遲感君意拳拳不禁泪雙垂人生貴知己寸心其堅持願得天邊月常照青松枝

貧家好女兒再呈玉老

貧家好女兒淖約冰玉姿常恐汚顏色卻彼粉與脂朝朝織長

秋水堂遺詩

三

緜夜夜理殘絲盛年未適人宛轉竟何之閨中有高士相憐意獨癡千金束裝費萬金粉黛資安貼花黃製殷勤珠翠施朱門非所望華屋非所思願得天邊月常照青松枝

自撫州至建昌

短長亭子午風涼山翠湖雲卷畫香茅竹編籬松蓋屋野人門巷似瀟湘

夾道脩篁鎖碧煙飛來翠羽小於蟬隻輪曲逐松林轉露出遙青夕照邊

由靖安西行三十里沿山茶花齊放一白無際

雙谿西去古煙霞竹鳴松籟半住家一色白連三十里沿山開遍野茶花

過雙谿入茅竹山山陡絕由坡陀至嶺頭四里餘脩竹參

天時聞畫眉聲細路如羊腸  
籃輿往來雲氣中真奇境也

筍輿飛跨一身輕  
鳥道凌雲曲曲行  
入耳笙簧聽不歇  
滿山松竹畫眉聲

瀟江舟中仿米老煙雨圖卽繫絕句

江流盡日聽潺潺  
煙水空濛杳渺間  
會得米家禪味好  
推蓬學畫雨中山

撫南田翁筆法爲玉波畫空山蕭寺便面

近來畫筆漸通禪  
超詣須從最上參  
領取無聲絃指妙  
一生低首憚南田

湖口晚霽

湖上新開霽飛雲  
去不還  
滿衣彭澤雨  
一面馬當山水屋  
春暄

秋水堂遺詩

三

碓田家畫揜關斜陽  
猶在樹鴉點暮雲間

冒雨由彭澤歸湖口

向夕瀟瀟雨孤蓬  
聽未休  
櫂聲搖斷夢  
銜影耿春愁  
絮語聞漁榜  
寒更斷  
戍樓客情難  
遺處輾轉動離憂

清明雨後湖口北郭賦詩

江上春將暮  
飛花滿縣城  
濃陰連水國  
細雨溼清明  
埭墓家家柳  
吹簫處處錫  
尋詩乘興去  
南陌正啼鶯

秋日同胡練溪刺史俞篆香廣文登臨江清波樓

西風催木葉  
颯颯下寒流  
山色連城堞  
濤聲入郡樓  
鄉心千里雁  
詩思大江秋  
不盡登臨感  
蒼茫起暮愁

章山春郊

雲氣畫濛濛  
鳩啼西復東  
花濃邨店雨  
柳軟野橋風  
墟落明流

外園林卷畫中行吟雙屐遠夕照漏殘紅

瀟江夜雨舟中不寐感成二十八字

一種愁心不自持斷腸情緒少人知疏鐙冷雨瀟江驛獨臥蓬窗夜半時

棟山樵隱圖爲平景孫觀察畫

棟山一路古煙霞金碧名藍未足誇願得鑑湖留一曲隨公他日便移家

松煙竹霧鬱青葱珠閣瓊樓卷畫中忽憶湖山佳絕處便思歸櫂逐樵風

用世常存出世心棟山樵唱邊行雲先趨荷鋪尋常事誰識當年蘿薜襟

雨中登臨江一覽樓

秋水堂遺詩

三

天半登高眼蒼茫又暮秋青山烟際寺黃葉雨中樓鄉思來天末詩懷寄上頭憑闌舒遠望鳧浴滿汀洲

曉發吳中

聽徹秋宵雨張帆趁曉風溼煙千樹綠霜葉一林紅山翠濃雷秋江雲低壓遙斜陽餘樹杪飛雨尙濛濛

初冬衙齋卽景

梅芬竹翠鬪清妍小雪輕冰十月天三徑菊衰餘瘦影小廊茶熟最殘煙冬心常抱中和氣熱念全消名利緣曠有婆娑生意在訟庭無事早懸鞭

湖陵風景宛然趙大年水村圖得絕句

水鄉風景愛湖陵夾岸人家柳萬層一抹紅霞斜照晚小蜻蛉尾晒魚曾

撫州太守黃玉波索畫水村圖

荷谿十里接芳塍

荷谿芳塍皆新昌村名

兩岸垂楊綠萬層風定日斜邨

市散斜陽滿樹晒魚鷹


湖陵風景最佳圖成偶得二絕

夾岸人家白板門前荷葉大於盆  
脩篁細柳松皮屋便是吳興水上邨

雙鷺飛來攪水渾  
蘋花零亂曲籬根  
十年零落張公子更倩何人畫水邨

秋水堂遺詩

三



梁秋水堂遺詩數工漫題二詩以代後敘

垂老牽絲旋去官  
釜魚塵甑不勝寒  
十年叵耐從軍苦  
百里誰知作宰難  
薄宦閒情銷坐嘯  
牢愁詩句賸叢殘  
傷心臨効求元晏  
敗墨零箋掩淚看

彈指樓臺出絳霞  
瓣香一錄奉精華  
名心淡似明湖柳  
書味雋于廬草茶  
幸免遺編投溷區  
尙留眞本付麻沙  
埋愁地下知何限  
贏得秋墳唱鮑家



